

長真閣集卷四

詩四

虞山席佩蘭道華氏學

秋閨和吳竹橋太史韻

秋山一朵插芙蓉正隔窗紗碧一重花發寒香如我淡葉回春
色覺霜濃宵長穿綫功初放榻小堆書卷可容牽罷綠蘿茅屋
補更無愁思上眉峯

聽雨同子瀟作和宛仙韻

潤逼香篝冷畫屏燭花黯黯隔窗聽此閒竹樹原蕭颯今夕房
櫳易晦冥乍著微寒先怕病本無秋寢莫言醒有何情事偏相
絮階下蛩聲屋上鈴

論詩絕句

枵腹何曾會吐珠論癡又恐作書厨游蜂釀蜜銜花去到得成

時一朵無

沈思冥索苦吟哦忽聽兒童踏臂歌字字入人心坎裏原來好
景眼前多

風吹鐵馬響輕圓聽去宮商協自然有意敲來渾不似始知人
籟不如天

清思自覺出新裁又被前人道過來卻便借他翻轉說居然生
面獨能開

燈花聯句和蘊玉樓韻

銅荷青綠宛成苔苔畔星星一粟開子紅豆有情催結寢青蓮

如舌助生才道卻防棋子閒敲落湯卜書函喜送來子殘蕊好

收匳匣底明朝畱作畫眉材道

冬日喜隨園先生來虞并示所刻女弟子詩選以佩蘭

居首敬呈二律

公是陽春到處妍
來時剛在玉梅先
詩如老佛能降衆
活作傳人不羨仙
紅裊爭先迎絳帳
白頭長健勝青年
頓教寂寞荒寒景
開出吟豪五色蓮

一編新刻玉臺成
入手先驚見姓名
餘力尙能傳弟子
長留許託先生得
攀驥尾原知福直冠
蛾眉卻過情恰似
春風吹小艸青青
翻獲領羣英

隨園先生命題十三女弟子湖樓請業圖

寶石山莊靠鏡湖
人間清絕一方壺
十年枉作西泠寢
早已全身入畫圖

先生端坐彩豪揮
爭捧瑤箋問絳幃
中有彈琴人似我
數來剛好十三徽

畫余坐苔石畔撫琴

選刻新詩仿玉臺卷中人各手親裁白家老嫗康成婢未許窺
探入座來

老壽公須過百齡果然位業是真靈願同伏勝傳經例一箇門
生授一經

後來居上亦何嫌廿六人終取格嚴恰比十三行玉版宣和副
本又新添作圖後又得十三人因別爲一圖

虎山尋寢圖

長洲陳竹士秀才與其配金織織夫人曾遊鄧尉看
梅夫人歿秀才哀思不已欲作虎山尋寢圖偶得前
朝陸定子畫幅適如其意三百年前若預作以贈者
亦翰墨中一重公案也

美人玉骨化姍姍應是吹笙雀背寒只在萬重香雪裏饒餽煙

月認來難

重來何處覓詩蒐踏遍空山
逕不溫雲散有根蟾有魄
當年春寢獨無痕

一片傷心畫不真空持破鏡
認前塵百年先有人圖出
潘岳詩情奉倩神

謝隨園先生文綺之贈

一縑五色采霞明直是文心織
得成衣被恰應加弟子剪裁還
要仗先生紅絲久擬平原繡
黃絹終慙下里聲製獻高堂
誦公德願親老壽比長庚

謝隨園先生題如蘭圖

擊鉢吟成絕妙才明珠廿八手
穿來畫中一簇同心朵
走向先生筆底開

吟來氣亦馥如蘭姊妹同看各喜歡一手恰能傳兩意比他雙
管畫松難

荔支石為雲閒陳古華太守賦上有寶晉齋印

一卷擎出米家船知是人閒幾洞天涉歷不曾愁變色摩抄真
欲惹流涎官同嗜好還相仿客取傳觀盡欲顛五馬馱來惟片
石此情已抵鬱林賢

二分人巧八天工據竹橋太史詩生就星球縐玉同鮮潤直如初摘落

瓊瓏原不在嵌空朝餐那忍爐邊煮珍果原應裏底籠恰遇孫
郎曾漱齒謂子瀟竟思飽噉狀元紅

嵇烈婦詩

蘇氏字瑤青常熟縣人贈大學士嵇留山先生妾也
國初耿逆叛時嵇挈妾在范忠貞公墓同被執不屈

蘇請于嵇曰君無以妾爲念妾請先逝解所佩帶自
經屋北冬青樹下見徐旭齡世經堂文集嵇義士傳
幽囚相對不勝情手解香羅帶子輕妾自報君君報友大家死
裏覓長生

妾請先行到夜臺願君取義莫徘徊笑他餓守睢陽日尙待張
巡手刃來

吾鄉竟得此娉婷反激男兒節義馨紅豆莊中一株柳當時爭
不化冬青

虎邱看月圖爲李松雲太守作

寺裏青山山上樓六時塵起萬人遊輸公身置冰壺淨獨占空
明一片秋

誰掃青冥絕點塵娟娟倒影劔池濱千人石上千人坐領略清

光祗一人

梵鐘敲罷寺門扃
坐到花陰冷露零
爲問可中亭畔月
一輪清影可中庭

七里山塘列畫船
滿河燈影似星懸
飄然五十三參上
一箇常娥一謫仙

公是前身李翰林
登舟悵望謝公心
千秋一樣如盤月
牛渚何如虎阜吟

送吳翠亭宜人之京

五花冠子七香輪
佩玉珊珊穩稱身
生就宜男又宜室
果然封號稱宜人

瑟應琴鳴譜合歡
桃花影裏上長安
人間多少紅顏婦
福慧能兼是綵鸞

太君八十健扶孫畫舫安排作寢門
釣得銀鱗長一尺手調香
橘勸加飧

衍波箋滑瘳金書行卷應同銷繡儲
只恐芳名傳日下六宮來
召女相如

詠絮調蘭共一舟全家歡笑不知愁
祇應一事難拋卻有箇慈
親已白頭

書成紈扇妙香熏常託春風得近君
他日相思須寄我金臺明
月薊門雲

題七夕巧醮圖

平原真好客高會自年年
昔作雙星主爭開一日筵
可憐惟此夕絕豔是秋天
語舊吟情脆翻新食譜鮮
瓊瓏合歡果綽約竝頭蓮
椒雨飛來酒松風沸後泉
鑪熏沈水屑豪拂衍波箋
各乞

心頭巧同舒指爪妍借侂花燭刻比似繡鍼穿代索催妝句遙
題卻扇篇詩成機上銷人配飲中仙縹緲雲分縷彎環月挂弦
興餘猶促坐清極竟忘眠綵字蛛絲結銀河鵲羽填芳圖傳妙
筆佳語足良緣預祝明年健開看箇箇全

春盡日次宛仙韻

綠陰宛轉畫廊環小病心情睡寢閒一院似含春水溼半簾空
挂夕曷閒酒杯入手肌先暈花雨霑衣衷欲斑那怪鏡中顛頓
影飛來蝴蝶也低顏

雨中摘玫瑰餉宛仙副以二絕句

綠陰如水雨如絲正是輕寒薄病時為問玉樓春去後醅醖還
賸幾多枝

手摘紅香帶露清白簪雲鬢少心情一聲送向傾城去頓覺花

光百嬀生

題越中女士王姬蟾影天香圖

銀光箋紙滑于蕁巧翦瑤臺鏡一輪竟作生天非妄想本疑明月是前身綵雲縹渺來無所秋水空靈照有神想見畫廊鳴屨處桂花如霰落香塵

桃原春泛圖爲冰壺女史題

仙原隱隱白雲遮折得紅蓮當海槎山有幾峯曾識面水無一曲不浮花重來怕引漁郎櫂此去疑通織女家纔是湘裊飛過處香風吹起半天霞

題竹橋太史小湖田樂府詞稿

詩壇久已領羣雄爭捧珠槃拜下風鐵板銅琶歌水調又傳絕唱大江東

家家紅豆記銀箏誰似吳家樂府清夜半月明天籟起半兼飛
瀑半松聲

借花寄艸託微波風調原如白石多三十六陂秋色裏冷香飛
出小紅歌

不師柳七兼秦七肯學艸窗和寢窗一片野雲飛不定并無清
影落秋江

畫中書屋萬千椽空結鷗盟與鷺緣釣叟漁娃農子弟春風唱
遍小湖田

小字簪花寫未成薔薇香露幾回傾秋燈願劈紅蠶繭親繡瞢
娥八字評

疊前韻寄宛仙

情思不斷玉連環纔倚花間又竹閒生怕歸雲成獨自最憐流

水少清閒夢如天遠原無蹟淚過春深尙有斑拾得碧桃三兩
片東風吹不上朱顏

乞貓詞寄呈宛仙

殷勤爲聘小銜蟬青箬堆成比雪黏自入春來才思減今朝破
例一題鹽

花鬢臥醒綵絲牽錦帶雲圖相宛然一簇戎葵三兩蝶白描還
仗女黃荃

宛仙畫荷花便面題二絕句意以花比余也次韻奉答
妙語青蓮化舌端朝霞爲醴露爲餐分明自賞通身影寫與人
閒粉本看

碎翦湘雲織翠裳斷紅雙臉自生香他生願化蘼蕪影也傍芙蓉
作竝行

朱母繆夫人壽詩

雕羽屏開寶篆翻銅槃仙露錯珠璣柏舟久矢單鳧操葑榜先
看兩鳳飛酒以蓮花爲玉斝舞裁雲葉作羅衣新詩不是人間
巧預乞天孫五色機

西瓜鐙和宛仙韻二首

青疑太乙照星精絕勝雕冰鏤玉成若使鎮心嫌內熱祇宜供
佛當長明玲瓏比月偏多巧圓滿生花更有情看遍元宵無此
種銅荷金藕總輸清

面面光華喜照臨當中一點是靈心綠珠豔質圓還滿碧玉芳
情淺實深恰好及期堪月代卻防破處有風侵最宜幽暗房櫳
看若乍陽時又乍陰

與姪婦謝翠霞論詩

吾家有道蘊明慧世無匹爲我題素扇清辭麗而逸有如瑤臺
樹皎皎映寒月又如芙蓉花亭亭透初日讀之齒頰芬勝嚼梅
與雪非關雕飾工其秀乃在骨虛中不自滿殷勤來請質理以
求益精法以講漸密汝性愛植花卽以花事說性情其本根辭
意屬枝節本根如不厚芬葩詎能結枝節如太繁生理轉不實
直體貴有曲曲始味愈出內美貴有含不含易衰竭積理在讀
書精麤要分析葩經三百篇一一貞淫別種樹取芬芳壅培必
高潔世俗見迂拘謂婦宜守拙余曰理不明究于禮多缺請觀
周南詩誰非淑女筆

夜來香

百織筠籃巧沿街喚夕曛競從簾底買貪向枕邊聞色與蕙蘭
似香和茉莉分前身還恐是清絕薛靈芸

秋曉

寢入蓮花裏花香卽寢魂一蟬高樹響片月小窗痕簾透新涼
薄池畱宿雨渾露珠三兩點清氣滿乾坤

露坐

小院清如水灑然人更清月斜花影直風定竹香生一葉高先
墜孤螢遠獨明萬家秋寢穩與我句都成

訊宛仙病

豈知天女相卽是病維摩自搗素娥藥長顰西子螺得閒還繡
佛作崇定詩魔不食人煙火吹來氣似荷

外作環字韻無題詩情辭頹豔亦戲成四章非敢同工

聊云異曲

一庭清氣萬花環小立春風淡蕩閒天到清明偏朗暢人如窈

宛必幽閒青山螺黛非關畫白玉羊脂沒點斑蘭麝不熏香在
骨肯教蝴蝶近芳顏

小閣疏簾綠樹環妝臺移置北窗閒工書贏得蠻箋積貪繡翻
拋羽扇閒藕雪素絲留節瓜浮碧玉辨無斑蘭橈早絕清遊
想不共芙蓉鬥好顏

涼颺幕地響銅環四顧聲還在樹閒銷織回文秋杓健書裁側
理夜燈閒黃花自傲霜中色丹桂休猜月裏斑絕不知愁非抱
恙本來清瘦是容顏

屈膝圍屏面面環水沈鑪火置中閒金鈴遠報風聲緊綵綫頻
量日影閒薦黍自勞盤搨粉吟椒猶喜管拈斑耐寒生與梅花
似冰作肌膚雪作顏

早春夜

雪月空庭裏梅花似我臞相看到中夜清絕癯俱無

秋閨怨

天末涼風起深閨寢不成夜烏何所恨啼殺不夫明

簡餐花

挂起湘簾月滿鉤涼颼吹動美人愁芭蕉聲響梧桐影并作西窗一夜秋

壽華母

錦屏花氣爛霞蒸七秩年華水樣增賓客競銜杯紫玉仙人新捧杖紅藤單舄久叶靈璈奏五鳳行看彩翼騰底用雀書重獻曲自將三祝頌岡陵

以佛手餉宛仙蒙賦詩稱謝次韻奉答

鮮果聊同藥艸遺甜香或與病肝宜自慙虛有扶持意願得終

無翻覆時語極勤拳惟手札緣慳把臂實心知相期合掌拈花
座證取如蘭密約辭

再答宛仙賦謝桂花之什

桂花香世界秋氣入高臺明月二分好清光一片來碧雲如水
淨金粟滿山開折贈常娥去原應月裏栽

挽翠亭宜人

代宛仙作

全家春水上京畿中道誰知事已非怪氣忽吹仙骨冷清魂竟
逐落花飛三生未了從官願九死猶嗟與母違噩寢匆匆纔一
月香車人去素車歸

題張孝女焚香籲天像

孝忠瘁掌火不能炙曹娥沈淵水不能溺猗嗟孝女死而彌壽
金滕之代緹縈之救心香一瓣心火然親命在兒不在天兒有

心兮天有耳誰廢蓼莪視親死

翠亭宜人從官北行卒于袁浦其媳紫霞後七日亦死
熒熒兩棺停西郊荒祠中詩以哭之

不識天涯路全家爲宦游百憂惟老母一慟在孤舟竟以懷鄉
切真成中道休清魂苦飄泊嗚咽亂淮流

弱息違慈怙悲啼宛衆雛萬花同畢命七日竟從姑去影春帆
遠歸魂夜月孤憑棺能不痛分手尙須更

相送香車別今來只素帷人生誰得免客死獨堪悲野屋花垂
淚荒郊鳥畫眉綠窗遺橐在緘秘更何爲

上黨歸來日高堂拜母時因依真骨肉歡笑識丰姿陌上殷勤
返花前宛轉思今朝哭君淚更爲老姑悲

宜人先姑陸
恭人義女也

壽某夫人

金母丰姿玉髓清
秋霜不許鬢邊生
翠鳩新製紅藤杖
扶過花閒體自輕

衍波箋滑灑金斑
索我題詩壽玉顏
手滴瑤宮花上露
親書瑤笈與人閒

消寒辭和宛仙韻簡餐花

棗花簾子卻清霜
時透黃梅一縷香
短日梳頭多艸率
長吟信手易頽唐
風能詠絮輸林下
健可操春愧孟光
已是天寒兼病嬾
終朝采綠不盈筐

壽外祖張巽園先生

舊俗儒英重清門
太守賢芝蘭有苗裔
鸞鳳必神仙一宿弧
南極雙峯華嶽巔
隱湖似蟠水遊戲釣璜年

世有詩文集家傳
孝友風期頤紫芝
宇潔養白華躬驥志
寧知

老龍頭切望公行看蒞珠榜父子祖孫同

爲壽宜春酒偏開八月觴年年珠露白歲歲木犀香代以梅花
好兼之春日長婆婆簪絲勝一笑遇初陽

早歲空聲色閒居屏俗華老何須玉杖生不識丹砂書史眼如
月春秋手種花夕陽無限好笑指海西霞

題高衣雲侍書簪花圖

李松雲太
守姬人

桃花爲色玉爲章小字呼來口便香不是君身有仙骨如何雲
想作衣裳

不簪金雀不花冠只愛同心一朵蘭欲插上頭還未定深知高
下入時難

翰墨因緣福要真裁箋捧硯日身親小蠻舞態朝雲曲修到文
人傳襄人

汪宜秋女史題郭頻伽秀才水邨圖云深閨未識詩人
宅昨夜分明寢水邨卻與圖中渾不似萬梅花擁一
柴門秀才因復作萬梅花擁一柴門圖

美人翻作羅浮寢幻出孤邨處士家一片水雲渾不辨是人家
與是梅花

放雀歸來雪滿邨微茫認遍月黃昏東風曲折隨香去先比詩
人得到門

細嚼梅花可療饑花香兼可當熏衣幾生修到中閒住掃盡閒
雲不啟扉

汪心農觀察試硯齋圖

鮫宮割取紫雲寒鴝鴒清臚鎮不乾想得雙珠親手捧桃花潭
水試螺丸

碧珠意珠
汪二姬名

澄泥四壁竹雙扉日對陶泓靜息機別蓋一閒銅雀瓦沈香小

像貯滓妃

名硯神

寵拜金城卽墨侯紫方爲館寶花浮自從明試酬庸後石不能
言也點頭

駿骨須教伯樂看焦桐還向子期彈真材零落知多少欲得人
閒一試難

招魂辭挽莊如珠夫人

天低月黑冥煙悄碧桃花底春魂小玉指輕彈四壁空花淚著
人人不曉東風直入來似揭羅幃開珊瑚合歡床長簾餘清埃
呀呀雙穉女遶床空徘徊愛之不忍撫恐爲生人災玉簫金管
床頭在紫竹無情圓不改七載闌干事渺然青蟲絲繡苔花灑
匣中桃枝扇繫以雙璠璣非重雙璠璣上有盤珠夫人從書一

齊游戲瑤華島手澤猶爲世人寶何況生時賢孝名垂之千春
後天老九龍兮巉巉虞峰兮翠鬟仙之靈兮往復還惟有輕煙
澹月蕩漾於其閒玉京敕下催歸急碧樹烏啼畱不得一片羅
衣紙樣輕飛渡銀河渾不溼

紫薇文魚便面

繁花細碎綠陰低倒映清波漲紫霓道是天孫濯雲錦夜來拋
擲浣紗溪

細暖浮花漾紫苔此中游泳勝蓬萊一泓秋水無多碧也有青
天倒影來

挽潘孺人

適謝氏

才華風格兩如仙忽報吳宮玉化煙自是慧根能解脫比他靈
運早生天

佩環飛作半天霞
哀雁聲中月不華
歸到妙蓮香世界
天然一步一蓮花

題屈宛仙詩彙次卷中自壽詩韻

心是玲瓏玉鏡臺
清光何處著塵埃
直疑明月通身化
早帶僊風道骨來
琴罷一聲孤雀迴
山空四面萬花開
吟箋那用烏絲格
秋葉如雲白剪裁

宛仙惠題拙集依韻奉報

瑤緘密字帶香披
黃絹新題幼婦辭
才子美人成合體
飛仙證佛定他時
閒將芳艸相酬答
戲折梅花當贈遺
笑指一輪寒月影
兩家原不隔心期

狎鷗齋校書圖

萬事如秋籜都歸不
校中雙眸似明月
獨照古書叢應使
閒鷗

笑猶爭亥豕功機心如肯息掩卷更名通

宛仙將避暑養病于城南戲集其橐中句奉送

愛傍芙蓉深處來夾疏雲野水影低徊城南趁涼買取瓜皮艇

消夏辭 家具應攜玉鏡臺桃源春畫橐匆匆收拾起中秋綠窗面

面盡推開暑廣寒原是清虛境七夕那用文犀為辟埃自

集句再簡宛仙

瑟瑟涼風翠扇開采蓮清新玉映出妝臺調羹卽論丰度原嫻

雅寄懷如此仙姿定絕才消寒一點真香心自抱和韻芬十年

清福病中來自爐熏沈水香縈篆送耐得摩挲日幾回試硯

挽汪秀峰夫人

慈雲常守佛香前合似菩提享大年指到牟尼纔一半如何撒

手便西天年五十四

卅年錦瑟幾調和每憶天涯溼喪羅今日安仁應哭殺見時偏少別時多

掌上珠留一顆明隔年纔得嫁雲英如何贈悅分釵罷便了慈幃事一生

彌留屬壻最傷心好續螟蛉向竹林曾有嬌兒如玉雪泉臺獨自去追尋

潔身纔許見鸚王臨死猶煎豆蔻湯遶榻六親啼滿座大家聞得妙蓮香

重理雲鬟色相嚴尸堂還避客來嫌一生愛好天然性頭未梳成不出簾

舌根閑彊語纏絲尙屬蠲除病榻前垂死未忘箕帚事何人不到孟光賢

爲愁奉倩太淒清只說天前死最榮但使一靈還不泯他生應

得勝今生

皆記夫人臨歿語

吾家節母似宣文曾訂蘭盟惜雁羣今日落花和淚灑一番老

病又緣君

叔姑汪安人與夫人爲姊妹行

頻屬詩箋爲悼亾秋墳消受墨痕香勝他世上癡兒女只索天

花作道場

陸璞堂廉訪適園灌畦圖

憂民亦同憂適人先自適閒繙汜勝書中有治安策
適口知菜味揮豪賦小園要民無此色先自齧其根
僮約課晨興輓轡牽未斷種菜是英雄休猜漢陰灌
黍苗膏原野桃李培前墀偶試回春手生機又滿畦

王述菴司寇靈芝圖

產公先人墓上
在秧湖之濱

侍郎文采鳳凰翥養素邱園四皓尊采得秧湖紫芝艸神仙纔
有此兒孫

某孺人八十壽

金粟香霏滿院濃秋衣雲翦綵重重月懸銀餅傳芳宴露灑瓊
漿注玉鍾已看孫枝擎五桂爭誇母節挺孤松錦峰卽是蓬山
頂好倚紅藤七尺筇

宛仙畫梅蘭水仙于一幅見貽戲題

三花同占早春時忙殺看花去恐遲合并寫來都在眼省他一
度一相思

同時花各玉精神三婦風姿合寫真如此嫩春清供養不知消
受屬何人

宛仙畫春蘭數朵子瀟添梅一枝于旁戲題

鬢側幽蘭意態殊
妝臺點筆自臨樵
詩人彊爲添梅萼
知道花枝肯合無

紅白荷花翠鳥幃子

可是湘妃與洛妃
紅裳相對白綃衣
孤禽照水亦雙影
小立花閒不肯飛

宛仙爲竹橋禮部畫竹題曰凌雲高節爲書一絕句補

空

高竝寒松突過柯
孫枝已見出墻隈
清陰長入半空去
翻覺白雲低下來

題子瀟畫梅

冰雪聰明玉作胎
宛然花放近瑤臺
枝旁添箇如盤月
直并前身畫出來

長真閣集卷四
題扇頭梅花爲竹橋太史暨晚生夫人壽

玉滿珠懸著手春
雙株越老越精神
人間無此神仙品
一對瑤臺雀化身

杏花春雨江南圖爲鳳臺胥明府

繩武作

東風吹雨亂紅酣
客裏傷春恐不堪
多少長安馬蹄疾
詩人偏是愛江南

烏紗徑脫白鷗邊
肯被紅塵誤醉眠
一夜詩情落何處
賣花門巷小樓前

檣頭艇子泊江干
小立煙簑耐曉寒
題遍酒帘佳句在
憑誰繡上吧羅看

扇頭美人小景

紅闌四面綠爲鄰
著箇東風病瘦人
盡日檐鈴清自語
柳花吹

老一樓春

屈宛仙饋鳳髓湯一瓊云是玉手親搗者

親費雲英玉杵忙盛來碧盃泛珠光直將明月鎔成水竟把天
花散入霜口似佛家原講福身無仙分莫輕嘗自從消受丹霞
後滿屋風吹語笑香

聞隨園先生之訃欲作挽詩未果因題所選女弟子詩

後

驚聞仙履返珠林常抱銜恩一寸心不作挽詩非爲嬾知音人
去怕彈琴

陳編重撫不勝情珍重徐陵手選成一片落花風笛裏西州愁
殺女門生

哭外祖

長真閣集卷四
落罷銀鐙賦落梅老人星竟返蓬萊傷心一息彌留際猶望長

安捧檄回

時舅氏需次京師

飛蓬首卸孟光釵閨閣慙稱宅相佳手灑珍珠兩行淚普公持服更持齋

盆蘭百本手摩挲

公喜蒔蘭

自壅香泥自護佗今日低頭受春雨淚

痕點點比人多

長真閣集卷四終

長真閣集卷五

詩五

虞山席佩蘭道華氏學

謝竹橋禮部惠花

送入門先蝶作團風前珠露未吹乾
雙枝折自春官手五色分
來窈筆端嬌豔豈宜蓬鬢插
端詳祇稱瓦瓶安借花欲獻何人
可好把高堂當佛看

宛仙以瓶花十二種羅列蘊玉樓詩來索和

綵雲深護玉樓中十二文窗扇扇紅
直上疑通三島路憑空能
結百花叢香清與佛心俱妙豔絕如人面
不同應笑常娥無此
福一株老桂守寒宮

春光繡滿玉奩中嬌絕枝枝白閒紅
圍住屏山香簇簇熏來詩
柳豔叢叢呼爲花史神通大奉作觀音
供養同底事畫圖空結

換全身早已在瑤宮

宛仙有蕊宮
花史小影

謝宛仙惠畫扇繡衷

朝霞五色爛筠筐
裏翦輕雲扇疊霜
綻出花枝都似活
捧來蓬華總生光
料應探自胸懷出
那得承他咳唾香
願把仁風揚袂起
敢將明月手中藏

宛仙作蕊宮花史圖十二人者各有未相識也今歲春

遊趙若冰李餐花言采皇言淡玉陶菱卿相見于舟

次而余與宛仙尤聞聲相思願未得預焉因紀其事

兼寄宛仙

一笑相看似舊知
畫中相識已多時
不期好會由天定
作合良緣是水嬉
倉卒尙愁稱謂誤
歡逢猶道見憐遲
竝船片刻休嫌短
勝似臨風兩地思

句曲駱佩香早寡而工詩耽居京口顏其室曰聽秋繪

爲圖冊屬題長句

松栢何曾識秋氣西風歲歲亦爭鳴
吹寒畫角空城滿入夜詩情落葉生
六代閒愁如并訴一江明月獨無聲
知君不是悲秋者心在秋中轉更清

盛子昭琵琶行圖

荻舞楓鳴滿目秋潯陽九曲似湘洲
君恩未報身遷謫忍聽哀絃不淚流

酒酣重聽撥檀槽調急風淒月轉高
寧使天涯共淪落羞教人說鬱輪袍

一江秋怨與琵琶葉是東鄰水是家
商婦莫徒嗟老大飄零猶勝路旁花

黃貞女挽詩

貞女太倉人許字吳未嫁夫卒請奔喪不許引經自
縊家人環守之迎其姊歸女逆謂曰姊來將爲說客
奪我志耶姊曰此大佳事我不妹阻但問志定否耳
女指心誓家人不得已白吳迎歸如婦禮以夫兄子
子焉逾一年卒女居夫喪謹至器之漆飾者皆屏不
用素工繡至是絕不爲有求者亦弗應

鏡臺一受永無更莫道奔喪漫請行口縱不言心自許繫纓時
節早分明

一矢靡佗事百年此情難怪女兄憐人生更有難于此笑把冰
心指向天

閨中手蹟怕人知況復柔腸斷若絲素綾金鍼都閣起心頭自

繡女貞枝

相從泉路夜漫漫身未終喪淚未乾一事告翁須記取莫將髹
漆飾桐棺

書唐孝女傳後

無錫唐氏女家慧山下矢志不嫁鬻畫以養送父母
邑人士請旌其間復爲作傳徵詩以美之

白華朱萼畫鮮明換取鱸魚手作羹家在慧山山下住慧泉應
改孝泉名

風木銜悲泣鏡臺白頭孺慕尙嬰孩北宮之女今無恙親拜宮
中詔問來

好事羣公爲闡幽閨中至性本無求平時畫罷驚溪絹不肯畱
名在上頭

欲寄生綃乞作圖備余閨閣細臨摹圖中不綴閒花鳥只寫貞
松與孝烏

題煮石山農王元章墨梅長卷

山農畫梅不畫形落筆先得梅性情繁枝亂插不經意奇趣直
是天生成一枝勁而老空山雪深壓不倒一枝清而癯頽然欲
臥寒雲扶忽然放筆作奇怪直榦橫生毋乃太明月如盤欲下
來一枝託出青天外十枝五枝爭出奇千枝萬枝尤迷離中間
不使一筆得重複苦心惟有梅花知至今但覺縱橫向背不可
測宛然天寒癭入羅浮時山農山農品超絕其筆與心俱似鐵
偶然興到墨淋漓五百年來人閣筆

倚竹圖爲王梅卿作

秋聲一片玉珊珊日暮那禁翠裏單修到梅花偏耐得綠天如

水不知寒

綠雲深處不分明小立詩魂太有情一樣風前消瘦影是卿扶

竹竹扶卿

問花樓畔倚新妝藉甚詩名滿路香我是幽蘭人不識一空依
傍住瀟湘

羅雲夫人秋閣卷簾圖

小閣湘簾蕩水紋玉鈎鈎起已斜曛三生人自銀河識一角秋
從碧落分證到心期惟有月熏來花氣欲成雲春時只愛垂簾
坐燕子何曾認得君

吳竹橋太史閉戶著書圖

羣花落盡煙冥冥松陰竹陰搖几青春春光如此合閉戶先生心
自存吾春剡溪藤紙滑似蓴下筆蠶食春桑聲畫中雙鬟亦清

福脩到磨墨抽書人子元滾滾工論史子行鏗鏗能說經夜分
詩思更超絕只許明月窗閒聽趨輒學士颺馳輪牆東曹郎面
拂塵豈無高才與博識不爭千古爭公卿開門堂堂白日去飛
雪已壓頭顱明回看神仙脫塵鞅萬事不理雙扉扃先生亦是
文學臣掉頭只與煙霞親直將腰金衣紫樂易此著作高于身
千秋得失且勿較此樂已自無人爭山中靜與太古鄰一日長
似兩日井或時立雪來門生或時載酒侯車停先生從容閣筆
起呼童暫且開蓬衡不然魚軒雀蓋滿戶外獸環扣殺無人應

芍藥次杜梅溪刺史韻

名花休怨不逢時獨殿羣芳晚更宜消受綠陰清似水任憑紅
雨散如絲贈來臨別情尤苦療得傷春病少差一種揚州嬌豔
色故應杜牧最相思

開不先時不後時將離剛與餞春宜欲爭富貴容雙絕尙帶清
和氣一絲拜作列侯應首肯竹橋太史有花侯新號拜真宜之句呼來近侍恰肩
差生平未識東風面枉費千紅萬紫思

李寧圃觀察姬人孟心芝課婢灌花園

翦水雙眸皓月光紫衣親侍衛公旁天生福慧兼全相莫認前
身聶隱孃

錦幃初卷曲瓊鉤十萬花枝盡起樓扶出妙髮雲一朵天香國
色盡低頭

日炙紅心草欲枯美人一笑萬花蘇侍兒識得憐香性普灑楊
枝露似珠

玉軸芸香疊綺疏鄴侯家有女相如藥珠宮裏妝樓記不是人
閒習見書

送春

卷起簾櫳望夕陽東君猶自駐韶光
匆匆流水春三月艸艸飛花
一
場畢竟送將何處去可能責取隔年償
游絲欲繫如何繫枉逐風前上下狂

宛仙畫蘭一枝茗芳補菊一叢屬余題其右

離騷辭後寫陶詩最喜聰明筆兩枝補盡人間難了願春蘭秋菊竟同時

晚窗話舊圖爲姪存咸作

萍蹤落落似疏星翦燭深宵客睡醒
如此水天閒話好推窗譚與月明聽

同是風流蘊藉人異鄉情話倍相親
不嫌舊事更番說知己聽來總覺新

紅蕙圖

誰與湘妃換骨丹居然霞佩影珊珊紅心小艸休相混自有真
香學步難

美人素影自徘徊肯學桃姿與杏顛讀罷離騷愁獨醒春風吹
酒上顏來

梅窩圖

萬樹白雲天不埽山耶雲耶互相抱人閒無此安樂窩天與梅
花位置好小溪隔斷紅塵紅溪外只許來春風花時一物著不
得惟有明月行當中一枝玉筵吹玲瓏花影便是羅浮峰不知
清癯落何處呼吸香氣天應通輕雲冥冥春欲曙一聲白雀橫
空去若非脩得到梅花那許今生此中住

陳寶月夫人山水小幅卽用所題詩韻

寶月名綺璘瞿稼軒畱守之子婦檢討昌文之母圖
繪寶鑑稱其聰明蕙質畫工山水詩有少君風味此
二幀娟逸清白味其詞意似畱守
歸骨後隱居舊東臯別業所作也

江山轉眼喜重春舊業東臯迥絕塵金粉飄零心迹淡煙霞驅
使墨痕勻清空皓月無名字寂寞梅花作比鄰一種滄桑家國
恨風情應勝管夫人

地老天荒百慮忘尙揮餘墨寫寒塘孤城春老新禾秀相國魂
歸宿州芳家累身閒尋佛火世緣心冷托禪牀都將賸水殘山
意收拾煙雲氣更蒼

題華亭張藍生女史

玉珍

晚香居詞卷

晚妝人淡似秋英簾卷西風瘦倚聲三影莫誇張子野閨中自
有玉田生

劈破温家玉鏡臺十年清淚瀉瓊瑰洞簫吹徹商聲苦恐有華

亭雀唳來

簪花一卷製烏絲露滴薔薇盥誦時想見九峰三泖上雙鬟拍
遍晚香詞

朱女詞工賦斷腸李家漱玉應宮商千秋一著輸君處少卻黃
花晚節香

邑有歸氏女五齡早慧仲秋病亟母將市葷餌之自言
將往青峰山不須藥也死後其家來乞詩云爾

何處青峯認舊居祇應逃入月清虛桂花香裏匆匆死本是姮
娥小侍書

霜裏幽蘭蛻骨仙慢勞靈藥費金錢累人在自思量殺只肯人
閒住五年

歸佩珊瑚鼻覓句圖

展卷如聞沅芷芳詩人生小過瀟湘細思不是幽蘭氣原是伊
家舌本香

眼前詩境日安排覓得全憑妙剪裁亦有不勞尋覓處半空天
籟自飛來

筆花朵朵豔吟毫幽怨天生近楚騷尋得詩魂香一縷閉門隨
處是湘皋

翠裏亭亭倚竹寒手鋤明月種幽蘭詩人自愛清貧好欲覓黃
金比句難

題某將軍煙嵐高曠圖

四山飛瀑淨無塵坐箇輕裘緩帶人名將風流如學士太平時
節有閒身應教艸木知名字恰與煙霞結比鄰讀罷陰符經一
卷尙湖何不更垂綸

題歸佩珊繡餘詩稿

碧桃花下寫烏絲生就聰明筆一枝脫口定兼仙佛氣高情不作女郎詩量來玉尺才無敵度盡金鍼世豈知直把清吟作餘事幾曾妨卻繡工時

其人與筆兩如仙不食人間一點煙修到梅花身見在悟來明月事生前支持病骨詩俱瘳洗盡鉛華玉白妍同聽河汾親講授輸君獨得小倉傳

又代婉仙題煙嵐高曠圖

瀕海巖疆坐鎮雄公餘獨往碧山空剛逢脫劍脩文日亦有鳴琴臥治風緩帶輕裘來峴首綸巾羽扇出隆中天生一種凌煙相颯爽英姿自不同

余旣題佩珊蘭皋覓句圖亦以拈花卷索句極承雅愛

并寄卽事二章次韻以報

綠陰如水長匆匆又見肥梅熟綻紅荷照乍聽微著雨竹香偏
慶逆來風同心例得爲詩友謀面緣還借畫工欲訪伊人隔秋
水思量只在莫雲中

一緘詩共片雪停正好瀟湘午寤醒捧出花從天上落吟來鳥
亦樹頭聽松因同類尤憐柏絮六生定合萍想得綠窗添綫
罷雙眸長對遠山青

袁母韓孺人竹柏樓居圖

樓高一尺節一尺有人高居樓百尺樓中人面照秋霜樓上人
心抱秋月拔去桃李花不許樓前開豈惟花不開春風不容來
惟有柏之心竹之節繞樓青青不可折妾志自如竹柏堅妾壽
不如竹柏實非不壽兮逝將從吾偶兮匪遺孤之在兮死已十

五載兮清風蕭蕭竹柏自香樓中人去樓高天長孤兒攀柏號
泣竹裂柏之心竹之節母之心母之節思母兮所居借居以爲
圖圖乎圖乎竹柏自蒼翠誰識孤兒風木淚

佩珊寄示詩集

秋風渺渺正思君寄我瑤編海上雲清響似聞仙佩下丹誠先
把佛香熏全家世有詩文集中心饋人收翰墨勲若準當時崇報

例能繩祖武讓紅裘

夫人爲惺崖殿撰女曾孫

覓句曾看畫裏妝果然字字帶蘭香埽眉自用生花管得意親
裁古錦囊衣鉢若論原共席音塵未接枉同鄉輸君得傍龍門
住

謂李味莊先生

才思如潮歎望洋

佩珊惠寄繡裙阿膠詩以報謝

瑤筐捧出五雲鮮更荷丹鑪藥餌傳因我無衣勞遠念知君同

病最相憐報宐絲繡纔能稱情比膠黏更自堅從此消寒兼卻
疾一春吟健萬花前

哭三妹

展卷心先痛同胞汝獨賢能酬烏哺德最動白頭憐不字身千
古餘生病十年終拋衰母去遺恨入重泉

爲我歸寧少歸時定彊畱病猶勤女課慧足解親憂擁背同寒
枕論心達曉籌今來閨閣裏無語淚先流

哭汝非全汝傷親老病時有兒將遠去無女爲扶持遺挂空增
痛憑棺豈有知自憐身早嫁不及北宮兒

少弟今何在泉臺汝或逢爲言慈母憶可是阿耶從儻記生前
事應來窈裏蹤空將癡絕想含涕對遺容

蕭山汪楷妻王氏妾徐氏雙節詩

大義邨中雙綽楔曰汪楷妻妾雙節楷以客死婦何俟上有衰
姑下孺子生則同生死同死生爲其難死易耳妻辟纊妾織蒲
以事姑以飼孤几上有肉甕無米兩人飢腸如轆轤博徒扣門
來索逋聲如雷叔篡孤兒以責贖涕泣告叔還我一塊肉願爲
小郎解此圍媼黨諷避妾誓死衛妻曰兩非計忍之又忍乃有
濟鴟鴞無良見鳳凰亦知祥門內門外久之嘖嘖稱兩未亾老
姑壽終兩婦之孝孤兒成名兩母之教雙節 恩旌告家廟楷
也重泉亦含笑

表兄屈元安手書先姑母綠窗遺藁不下數十本擇其
書之工者連綴成卷遍索題詠謹識其後

余生八九齡初讀毛詩竟先君授一編題曰綠窗詠爲言汝仲
姑少時最婉順汝祖竹香公教之善辭令于歸臨解氏琴彈瑟

能應慧根痛先零襁褓遺孤僅余時聞父言展卷動微吟詞旨
清而和得乎性情正從茲稍知識咿唔辨聲病忽忽三十年追
摹境鮮進表兄長安歸執卷踵門請手鈔母遺詩筆法上規晉
自言意未慊與詩不相稱行將書萬本極其詣乃定勒珉永干
秋勝彼印板印聞言感孝思捧卷肅然敬但能發此心豈必以
書勝并無君書佳亦傳藝林盛何況日進功技也根乎性惟余
觸深悲轉憶先君命教我學此詩卅年如一瞬舊編猶在篋手
澤有餘潤卷君此卷還開我舊編認

唐陶山大令

仲冕

重葺唐六如祠墓并築桃花仙館以

祝京兆文待詔配祀徵詩

六如祠墓久滄桑仙吏重脩祀瓣香從此碧桃花影裏春人多
爲立斜陽

準提庵口重徘徊斗酒爭澆溼翠苔聞殺南濠三月土踏青誰
爲少卿來

玩世佯狂太不恭能空金幣卻藩封孔明若使逢劉表未必南

陽起臥龍

孔明何必起南陽先生漫興詩也

允明書法徵明畫同聚詩魂寤墨亭我欲兩廡添配享一邊徐

渭一張靈

舊塚荒涼莫辨疑清魂棲泊有專祠榕陰一樹橫塘路細雨斜

風鬼唱詩

吳中花月太紛紛佳話喧傳遍是君贏得詞人撥芳草春風尋
殺九孃墳

疊前韻寄佩珊

朵雲飛下墨痕鮮情向雙魚腹裏傳兩地寂寥花對語一春消

瘳鏡相憐未應路遠魂俱阻轉爲緣慳想益堅百八數珠長在手六時吟諷佛香前

喜子瀟歸自京師

葡林花氣颺微颺十萬年中此一時枯盡佛桑乾卻海單留一樹是相思

倦遊車騎盡疏慵誰療相如四壁窮清夜詩魂無著處化爲明月立當空

壽竹橋先生六十

中秋日
生辰

骨相清華應上台蓬山身到又容臺一條冰喜頭銜挂五色花看手筆開壯歲早緣親納祿閒居能爲國憐才名山著作千秋業捨卻勲名換得來

嫦娥知道近生辰特放秋香滿玉輪萬事團團無缺陷一生朗

徹總精神舉杯形影聊爲友人座胸襟自照人豈但觀書眼如
月本來明月是前身

曾祝夫人甲子圓秋光三度兩瓊筵論年月姊翻差長生日吳

剛卻占先夫人後一樣得來清氣福十分修到白頭緣比肩同

看冰輪起先看餘霞綺滿天綺霞先生

蘭花小照爲某姬作

是花還是美人身小影迷離幻卽真似向楚辭曾識面那須湘
水別傳神香如可愛宐徵癡相到能空定絕塵莫道素心忘解
語不言曾有息夫人

又代外作

華鬢公案證前身悟徹幽蘭是夙因應笑洛神傳粉本尙嫌多
箇卷中人

和子瀟見示韻

一笑芙蓉鏡裏空春官無奈遇冬烘紅紗未免蒙歐九青眼徒
知認魯公珠月未烹終出蚌劍花雖鏽尙成虹歸來試看機中
錦花樣如今儘不同

題汪澣雲員外

梅鼎

琴養圖

抱得泠泠太古琴松風穩侍北堂深一雙宛轉調絃手七十婆
娑戲綵心應傲履霜聲慘切肯緣流水感升沈由來知子無如
母不要從人覓賞音

自感皋魚風木情朱絃彈殺調難成卻承賢母教忠訓要佐
君王解愠聲單父早誇三月治歷山只返十年耕曾子有歸耕操宦成
他日傳清節依舊隨身一雀鳴

采蓮士女

腕弱鬟低十五餘，涓涓清露采芙蓉。
攀來影落秋江水，花亦低頭愧不如。
一種嬌憨百不知，折花偏折竝頭枝。
無端招得鄰姬笑，半晌含羞不語時。

詠菊

十月寒花漸減香，秋容猶自豔斜陽。
只緣貪著黃金色，輸與芙蓉肯拒霜。
本是花中隱逸姿，只宜高士兩心知。
豔名誤被閒人識，踏破東家六枳籬。

佩珊屬題弄花香滿衣圖

羣蝶繞身不肯飛，花香直透三重衣。
我道真香在骨裏，此意不令胡蝶知。
園林雨過萬花落，換卻春衣置高閣。
經時開看滿屋

香曾是散花天女著明年和風春日長花枝銷繡圍蘭房美人

閒卻弄花手浴罷明珠還弄璋

時佩珊方有占熊之謬

雙梧艸堂圖

雙枝翠玉競撐天新拓書堂鎖綠煙缺處孤蟾剛漏影飛來么
鳳亦駢肩清泉潔癖倪高士疏雨詩情孟浩然會得據梧莊叟
意琴聲何待七條絃

廣落梅

程秀才澣芝悼其聘室俞秋英迎栗主祀之復命畫
工與已合繪一圖竹橋太史爲題落梅篇申其意作
廣落梅落梅秋英絕命辭也

天風泠泠仙笛冷吹落江南瓊樹影中有仙人萼綠魂瘦入瑤
臺春不醒郎君玉貌似羊權親種梅花當玉田定婚只下深情

帖選堦猶慳卻扇緣新安江水迢迢碧流得相思淚千滴蕭史
纔乘落月還綵鸞已滅行雲迹雕匳粉盒罥蛛絲賸有花前絕
命辭借他埋玉深深恨寫出離魂渺渺時銀河無路通蘭楫手
捧瑤箋淚珠溼故事何知禁嫁殤幽婚儘可投仙牒居然桃李
選芳辰栗主迎歸御畫輪荀郎未取生前冷陰氏真還死後身
死若有知應自喜死生無閒纔知己但誓同心向北邙何須比
目如東美還道仙凡路各殊要畱雙影學芙蓉百年未就鴛鴦
塚一幅先成蛺蝶圖美人原是梅花影暫墮紅塵優鉢頃羅浮
空聘趙師雄孤山未嫁林和靖卽今三弄玉琴聲無奈么絃調
不成尋遍諸天香似海霜淒月落空參橫

題俞秋英遺照代子瀟作

聘匣塵封玉鏡孤繁欽捧帖淚痕枯三生已爲標梅誤九死難

令病菊蘇猶許蕭娘成鬼禮未妨張碩授仙符生綃竝寫鴛鴦
影勝似尋常散佩圖

絕筆樓中玉笛聲落梅歌罷不勝情照來疏影波先逝證到前
身月倒行姑射生天原處子孤山下嫁只虛名世閒儘有王郎
福消受梅花過一生

繡球花

團雲鏤月映窗紗如此玲瓏絕可誇爲是雪兒風貌在教人錯
看作梅花

秀水王仲瞿孝廉

良士

與其配金雲門夫人僑居吳門

隱於詩畫夫人作畱待山居圖寄志屬題其意

昭明老佛守柴關畫地詩天閣一閒占盡洞天仙偶福更從何
處買青山

秫杭三頃樹千章只費將軍紙半張多少眼前心事在願天輕
易莫斜陽

杜陵廣廈萬閒春未必他年語果真留得桃花原一記後人想
殺此中人

如此安排亦大難百年風雨幾宵安不如眼底真消受茶熟香
溫幾遍看

宛仙屬題扇頭雙蝶

青陵宿願久參差粉退香消爾許時不是美人心肯寫如何解
得此相思

手把輕紈故故猜癡魂何處忽飛來微風一任頻搖動只願雙
棲不放開

書瞿花農別駕悼女詩後卽用原韻

離魂飛上淨居天出世翻成不死年休怪罡風容易折前身原是玉池蓮

伏枕猶緜貝葉開生天應傍佛如來女孥文與金瓠詠不用淒涼告夜臺

曇花早證半開時塵癯初嘗六垢離多少鴛鴦空守老海波東去日西馳

溼哭乾啼遍兩家音塵無奈梵天遮因緣要證龍華會只向蓮池誦法華

觀長媳陶菱卿遺照詩以哭之

司花嬌女掌花仙十二人中最少年祇謂殿春紅藥在豈知零落碧桃先遺嬰轉托含飴撫中饋仍虛佐餽賢畫手追撫鮪頰影未堪持較及生前

宛仙作蕊宮花史圖
十二人中菱卿最少

題宛仙白描牡丹蕙蘭

不費胭脂畫牡丹天然清質配幽蘭
貴人脫盡烏紗氣合與高人一例看

答宛仙問

莫向妝臺問起居散花天女近何如
茶甌自與明誠鬪筆陣應教逸少書
食少偏難詩課減病多翻與藥緣疏
有人隔著娟娟水悵望芙蓉小寢餘

宛仙白描牡丹

真色年來粉罷施一泓清淚洗燕脂
縞衣更比紅妝豔不是聰明卻不知

宣豪不肯蘸流霞寫出仙姿玉作葩
生小未知冰雪樣天然修得到梅花

絕頂仙雲不可攀
豔情濃福一齊刪
玉書封就無人寄
那肯流紅到世閒

寄題京口左蘭城雲根山館詩 代外作

詠史風流繼左思
潤州紙價長年時
二分明月春如水
鈔殺紅橋稷事詩

放雀歸來雪閉門
石闌點筆坐雲根
春風丁卯橋邊路
不獨詩名道許渾

露盥蘭熏誦百回
徐陵一序卷先開
江南煙月原無恙
誰似爰絲肯愛才 謂隨園先生

又自作

招隱清風在雲根
百事幽觴飛京口
月筆洗大江流白
社看前輩虹橋憶
舊游兩賢提唱意
開卷已千秋

珊珊夫人鷺湖載月圖

鷺湖秋水碧於煙，瘦倚蓬窗不肯眠。
船上蛾眉天上月，一時清絕鬪嬋娟。

采鸞仙去絕芳塵，還認雲英畫裏身。
十里畫眉橋畔路，秋風愁殺蕩舟人。

再題陶山明府六如墓詩卷後

前朝祠墓久飛塵，翠碣重標馬鬣新。
芳草青時來弔客，桃花紅處臥詩人。
卽非子姓原同姓，莫是前身託後身。
地下唐衢應破涕，年年杯酒爲澆春。

長真閣詩集卷五

長真閣詩集卷五終

虞山席佩蘭道華氏學

心芝夫人課兒圖

松風謾謾竹影橫使君節署如冰清嬌兒聰明賢母慧日長清
課分功程溫經一卷添一綫繡譜書囊兩無厭銷上生花繡萬
行餅中翻水書千遍使君衙散下槐廳但聽書聲刀尺聲李氏
袞師能守帙周家絡秀解傳經此聲世上聽來孰多在蓬門與
茅屋難得衙齋鼓角餘也聞燈火楹書讀豈無笙歌侍月臺豈
無絃索佐霞杯使君獨愛此聲好掀髯一笑心顏開京師更有
雙雛鳳德耀親攜課吟誦今夜松風竹月中料應篝火書燈共
牙籤銷軸鄴侯家飽供兒曹讀五車兩地脩來俱福慧一門贏
得盡風華使君弄兒玉雪貌左顧夫人喜能教廉吏家風子盡

賢朝來北望長安笑

題金雲門夫人江南春圖寄示子瀟京師

一江攔住雪風沙天付詩人老住家偏要拋離好風景絕無花處去看花

梅花點點美人妝流水彎彎蕩子腸如此江南如此畫北人看說是佗鄉

佩珊賀子瀟登第詩有卻笑秦嘉才絕世一生低首鏡

臺前之句次韻奉荅并送歸上洋

三首錄二

一斛珍珠十斛愁艸堂雙管鬪風流女媧若使開金榜應點蛾

眉作狀頭

西風艸艸送還家愧我金釵酒未賒歸采珊瑚滄海上不知紅豆幾時花

子瀟乙卯省試第二今捷南宮仍作第二人詩以寄賀

并祝狀頭

泥金帖子豔雙眸夫婿公然占上頭
杏苑稍舒才子氣蘭陔先釋老親愁
淮陰漫說無雙士溫嶠仍居第二流
我卻隴頭還望蜀祝君更上一層樓

子瀟報授翰林院庶吉士誌喜

郎君倜儻本非常
翔步從容到玉堂
壺嶠神仙居後輩
梯階宰相得初桃
頭銜恰喜當官吉
心事須知報國長
韓哀王雱如艸木人閒何必狀元郎

寄呈楊蓉裳員外卽題其芙蓉山館文案

斯人不作玉堂仙
我亦搔頭欲問天
成佛肯居靈運後
生才已在照鄰前
飛傳檄艸雄無敵
開到時花小亦妍
一卷江東羅隱

集欣然讀罷又淒然

烏蘭山下事縱橫斗膽能支斗大城共道相如工諭蜀那知杜
牧解論兵呼庚不惜中人產投甲終看小醜平筆上粲花刀上
血英雄才子總心傾

合浦真珠歌爲張南籠太守

鳳枝賦

甲秀樓西住小姑重羅山是十眉圖使君只飲盤江水不采明
珠采綠珠

刻玉爲龍冠後房風波中道忽參商下山不盡靡蕪恨一把珍
珠淚兩行

油碧迎還重畫眉夜光如月鑿羅帷願珠草似天邊月只有團
圓不再虧

詔行絕域瘴江邊破鏡分飛又一天辛苦秋來荷葉露滿搖能

得幾時圓

目斷天山路萬重玉書不寄雁行封東坡未返朝雲死何處招
魂白雀峯

萬里歸來淚灑空絳桃先已謝東風真娘墓上連枝樹結作真
珠顆顆紅

雪珠

九霄疑有蕊宮仙咳唾隨風落滿前天放珠簾常不卷地開雪
窖竟無邊盤中走處猶能轉掌上擎來漸欠圓畢竟爲襦終未
可女兒空想彩絲寄

蕉扇

月樣團圓細翦成翩翩不負扇仙名每叨暑夕招風力卻憶寒
窗聽雨聲撲蝶擎來芳草徑驅蚊攜到豆花棚秋來莫怨人捐

棄天尙炎涼況世情

佛手柑

露華洗出玉纖纖未許柔荑與鬪妍雙掌合來疑說法一拳伸
處若參禪瓶中插柳能持否座上拈花欲笑然持較春葱應倍
勝常聞香氣散諸天

蘇臺懷古同餐花作

峰頂層臺百丈高秋風十里擁旌旄捧心祇愛顏如玉嘗惡爭
知笑是刀木見白猿飛樹化空占黑犬對宮噪笙歌未歇干戈
起誰肯違天解戰袍

楊花

生來只近綠陰飛不及遊絲伴落暉紈扇有情邀不得卻教蛛
網網將歸

東風小院晝陰陰
飛入梨花未可尋
笑語蜜蜂須認得
外邊無蒂內無心

柳枝辭

宛轉千絲散麴塵
酒旗高颺晚晴新
春江飛絮濃如雪
愁殺輕寒睡起人

八月初九夜

是歲閏六月

天街白露未爲霜
銀燭流輝冷畫堂
相隔中秋剛七夕
不逢閏夏已重陽
月纔過半絃猶上
夜恰平分漏漸長
籬下寒花矜晚節
又遲一月吐輕黃

放魚行

隱湖秋水多鯉魚
西風蕭蕭蘆荻疏
高張密網浪花惡
素鱗出水哀須臾
漁郎得錢去換酒
棄擲何曾一回首
我自相憐涸轍

時尺書未忍朝來剖爾意所安爲爾謀舉向綠波深處投白蘋
朱艸足脩養餘生巧爾同沙鷗我聞枯魚過河泣爾得生還應
奮激卻虞脫釣仍上鈎輾轉還爲貴人食滄溟浩蕩天地空切
莫當風吹水立

滿城風雨近重陽

長空忽地變愁容已覺新寒似早冬十里樓臺黃葉凍萬家碁
杵白雲封應添秋水兩三尺忽失遙山四五峯絕妙米顛顛筆
畫欲題詩句意幽慵

秦淮秋柳代夫子和陸秀才作

秋光多在水之湄碧淺黃深太弄姿白下藏烏風翦翦臺城繫
馬雨絲絲畫樓已罷纖罽舞羌笛猶聞怨氣吹不是金城老司
馬攀條也爲立多時

疏影離離作盡秋含情脈脈不勝柔夕陽短瘦烏衣巷秋水長
亭白鷺洲旖旎尚迷三婦豔纏緜空繫六朝愁傷心比似臨春
閣金粉飄零舞帶收

新涼陡覺破朝醒舊院牆低拂面輕舞倦綠珠畱弱態歌殘碧
玉帶餘情煙籠水閣人千里月照睂樓笛一聲畱得板橋陳迹
在曉風誰唱柳耆卿

宛轉千條舞榭邊不成袅娜尚含煙青溪居處懷人夜白露時
光送客天老罷畫睂中婦恨病猶垂手女兒憐臨波一種依依
態二月春風又宛然

春日

燕翦與鶯梭東風舞共歌寢長疑夜短事少覺春多卑屋出青
嶂疏籬沿綠波新愁看花起花落更如何

春晴

自覺幽慵慣，閑愁與寢兼。
春寒花傍戶，晝靜鳥窺簾。
艸色煙中潤，雲光雨後添。
莓苔隨意坐，羅袂碧痕黏。

聞碓

何處戍不返，征衣搗夜闌。
敢辭雙杵力，且趁一鐙殘。
落月催聲急，飛霜入韻寒。
羨他閨閣裏，穩寢到長安。

裁衣曲

剪刀初放漏聲稀，遠憶征夫寢欲飛。
記得去年風雪夜，添香爲我熨寒衣。

漁翁

半世生涯付釣舟，飄然家計等浮鷗。
昏拋三月桃花浪，槩蕩五湖蘆葉秋。
一笛晚風橫古渡，滿簑殘雪臥滄洲。
羣魚換得河清酒。

酒七尺珊瑚醉不收

三橋泛舟

一篙新漲白蘋肥
拂柳穿花過釣磯
十里亂紅圍佛寺
四山穠綠上人衣
艣聲柔學吳姬語
帆影高追燕子飛
暝色漸催春社散
如鈎纖月挂清暉

春夜聽雨憶妹

風急雨聲嬾聽來
滴瀝遲寢回
深夜裏寒似早秋時
燕寢依香幕
花飛戀故枝
春江煙水闊
何處寄相思

烏寢

烏寢空山穩
天寒百響沈
忽驚纖魄照
乍動避機心
遠舉風無定
孤飛樹有陰
欲棲還未敢
抱影上高岑

春晚

紫陌風光瞥眼非紅情瘦卻綠添肥楊花不是全輕薄總被東
風逼著飛

久雨

已拌幽癯破連宵又聽廉纖似昨朝衫影盡含天水碧酒情疑
潑海棠嬌詩成病裏篇篇瘦魂到春殘片片消燕子欲來窗未
啓簾痕如水綠條條

夏夕

一簾花影自縱橫燭暗香消寐不成夜半小庭風露下芭蕉先
解作秋聲

七夕後一日立秋

月帳雲衣昨夜過誰橋猶賸淚痕多人間一葉纔辭樹天上雙
星又隔河曉色喜看通玉井秋聲愁聽度金梭卷簾暗放新涼

入不用輕紈扇薄羅

吳中懷古

澣紗溪水碧於湖，勺情波便沼吳。五夜深宮炊粟，
十年敵國臥薪。圖捧心智自工，狐媚抉目危空。
捋虎鬚至竟，越王臺下，路春風麋鹿似姑蘇。

鄴中懷古

春深銅雀願終虛，竇履分香計亦疏。百戰河山亡赤壁，
一家詞賦擅黃初。奸雄氣盡彌衡罵將帥，才降孟德書。
今日西陵秋艸暗，空餘七十二邱墟。

夜坐

小閣迎涼坐蕭然，夜氣清梧桐三兩葉。又作舊秋聲。

校獵圖

艸枯千里塞雲平羽騎森森獵渭城
弓挽鐵胎風力勁甲擐金鎖日光明
鳥羅開一恩原大兔窟營三計已成
畫手料應同諫獵有誰文筆似長卿

寄外

一山斜照外歸鳥下前林
落葉催疏雨清霜動草碁
人從詩裏瘳秋到客邊深
北望寒雲起悠悠離別心

尚湖舟中

衆葉繪秋色亂峯波上明
雲多疑樹重風正覺帆輕
遠水羣鷗小長空一雁平
蓬窗饒草景收拾到詩情

送妹

握手無多日匆匆又放船
艸生花落地人去燕來天
歸計常經歲高堂已暮年
行符休悵望回首更凄然

春日同餐花翠霞游破山寺

一天蒼翠裏紅衷兩徘徊柳脫無雲雪松喧不雨雷呼名聽鳥
語含笑看花開潭落驚鴻影青山倒入來

惜別

新綠替春色枝頭鳥窺醒不雲窗亦暗無雨晝常冥破睡思茶
力畱香掩畫屏怕提離別緒芳艸短長亭

寄餐花

一樹桐花早閉門一鈎纖月又黃昏疏雲忽漏絲絲雨彈上輕
衫似淚痕

首夏同二女

漫嫌春去黯如煙一段風光別樣妍深樹圍成新綠地斷雲分
出嬾晴天蝶知花落稀來往蠶比人嬌忽起眠松粉滴階梅豆

小女兒容易過華年

雨後

一片清涼境剛逢雨後天夕陽黃似月庭艸綠疑煙地僻真成
隱心空卽是禪涼風吹竹外小婢勸幽眠

暑夕

鄰結華嚴界鐘聲落畫檐綠陰團夜靜黃月釀朝炎去影拋人
獨生愁與癡兼燈花本無準聊作喜音占

芍藥

彤雲捧出翠雲叢留殿春光屬化工手把一卮婪尾酒綠陰時
節怨東風

秋夜

迢迢素月影耿耿星河光虛堂夜深坐艸木聞餘香片葉下如

鳥報我秋風涼所思不可見一雁來瀟湘

秋夕懷餐花

寂寞西風簾卷遲羞將顛顛與花知帶圍鬆似佳人鬢一枕釵橫睡起時

月借窗紗寫竹梧微風篩亂翠饌餽燈花不管人愁思開出雙枝傲影孤

題張膠廬太守二紅補豔冊

講素

清臚翦水玉顏紅執拂金堂侍上公比似臨邛高一著文人不看英雄

叩旅

露白霜淒燭影紅紫衣脫卻見驚鴻張星偷下人間世卻笑司

空在寢中

逸晉

柔情俠骨此傾城肯學當壚伴長卿識得太原龍氣在雙雙
騎出西京

遇髯

策蹇西來逆旅蹤公然高臥看芙蓉李郎一笑逢雙絕天上蛾
眉海外龍

望氣

不衫不履褐裘來真氣驚人色死灰艸澤龍蛇天判定汾陽橋
上莫徘徊

會局

推起楸枰罷賭棋虬髯無語道人知笑他鄭夏空爭戰一局全

輸斂子遲

贈業

寧作雌龍莫作蛇
匆匆兄妹各天涯
黃金揮手真如籜
笑指東南別有家

以上紅拂

聆音

工詩識曲貌娉婷
羯鼓悲涼獨解聽
何待身輕飛一葉
使君雙眼已先青

謀併

枕畔名書北斗神
田郎虎視在東鄰
貔貅三百圍酣寢
不道牀頭卻有人

聞警

森嚴玉帳衛牙兵
刁斗無聲劔不鳴
月色一天氛四面
蛾眉俠

氣障全城

探魏

一丸冷月度銅臺
漳水東流去不同
十萬健兒齊解甲
無人知道美人來

持盒

纖腰一搦越重關
曉角風高墮翠鬟
元帥頭邊金合子
無端飛去又封還

歌餞

洛如乘霧去迢迢
澣卻紅情上碧霄
細數身前身後事
此番也算可憐宵

以上紅線

竹隱圖

子真餐霞人結想
託林谷瀟灑冷隱淪
放曠逢時俗冥憇
觀澄

潭清漣媚幽獨悠然靜者心一往不可復秋聲尋空來蕭蕭在
修竹物澹性自安道腴境無蹙瘳石淨可友白雲閒與宿落日
嘯清風籜粉散寒馥

柳根垂釣圖

二月東風細葉裁輕衫隨意坐莓苔仙原自隔紅塵遠人影寧
愁白鷺猜春水多情無浪起碧桃含笑盡花開戲用宛仙句釣竿似
拂珊瑚樹一簇明霞倒影來

挽陳繼宣祖母譚太君石泉之母也

代外作

有客素冠來手陳赫蹏紙狀其祖母德乞詩誌徽美循覽所稱
述字字皆實紀荒蕪詎能文再謝不獲已昔與尊公友悃悃古
君子核其內行脩稟承由母氏君祖金華來零丁少依倚中年
遽殂謝遺孤五齡耳教養賴一人嚴慈無二理訓成卓絕行仁

譽著鄉里天不佑善人活人反損已母也撫孤孫非母孫何恃
孫今又成立母則頽然矣母年八十餘天錫亦多祉孫年將四
十哀慕尙如此想見慈與孝足以式頽靡余忝備史職作詩當
銘誄誌實不敢文庶以備彤史

紅梅

碾冰爲骨雪爲神誰取胭脂晉寫真恰似歲朝梳洗罷淡妝人
作豔妝人

杏花白鸚鵡

雪衣光潔玉參差紅杏枝頭軟語時卻學桐花么鳳勢春風倒
挂說相思

美人垂釣圖

竹竿嫋嫋向春風飽啣桃花雙鯉紅欲寄新書與夫婿好題詩

句入盤中

龐君漁隱圖

鹿門世有隱居圖
況復家鄰尚父湖
除卻鷺鷥三兩箇
蘆花深處有人無

孫母趙淑人梅花小影

天風吹落佩飛霞
香雪濛濛受月華
似此塵緣都屏卻
今生修得到梅花

翠竹蕭疏近水家
紅闌六曲繞溪斜
花前一對孤山雀
來伴仙人萼綠華

李因水墨花鳥卷子

因字今生號是庵
海寧葛徵奇侍姬也
徵奇字無奇
崇禎戊辰進士官光祿卿
亦善畫嘗語人曰山水姬

不如我花卉我不如姬因著有竹笑軒吟稟續稟徵
奇以崇禎癸未出都遇兵難因以身障之獲免此卷
作於丁未爲我 朝康熙六年或云是萬曆誤也

畫花欲活鳥欲飛妙手著紙皆生機調鉛殺粉意不屑折枝澹
墨何離披光祿丹青亦稱好不及麻姑長指爪淨几明窗對吮
豪麝煤鴛絹添新稟萬事倉黃未造難驚聞風雀出長安郎君
反得蛾眉護鐵騎叢中返故關歸來靜鎖葳蕤戶怕檢宜和舊
時譜傷心一曲念家山畫花不畫根連土晚年蹤蹟寄茅庵小
像沈香置佛龕無復吟紅題竹笑只憑點筆現優曇因鷹鷹本
猶摹遍盍獨藝洲作佳傳羞殺虛名馮玉瑛被人比作青樓賤
將爲武林之遊舟中得詩

芳塘水煥綠鱗鱗夾岸催齊柳色新蝦筍乍逢三月節鶯花宜

訪六橋春時和最喜輕裝便舟小何妨促坐親兒女牽衣催速去未須黃歷揀良辰

曉達郡城揚帆徑過回望靈巖諸峯煙鬟縹渺若不可
卽

賣花聲裏到蘇州急起推篷看虎邱窗外百禽同學語艣前一髻對梳頭喜心早已飛前路勝地終須補後遊回望金閭亭畔柳似憐無力縮行舟

舟至吳江夾岸桃英如繡

松陵南去路沿岸盡桃花翠竹撈蝦簞青帘賣酒家遠邨時在望巨艣苦相遮時多糧艘三兩枝偏好船窗映碧紗

薄莫至平望出鶯脰湖白日落矣

畫眉橋影合波圓橋外烟波便淼然臨水桃花齊欲笑倚人樓

閣盡如仙東風白鷺迎船小斜日銀魚上市鮮歸櫂若逢良夜
煥扣舷看殺月嬋娟

由唐棲至杭桃花數十里豔如錦繡

豈是桃原路穠華樹樹鮮手從天女散氣得美人妍雞犬春雲
裏桑麻古嶂邊題詩成一笑卻在武林船

天竺進香詞

轎入松陰細細寒竹涼時入翠衣單燒香要洗諸心淨沿路桃
花不敢看

琳宮紺殿法幢開花雨漫天落翠苔三面青山三面佛香雲簇
擁善人來

一聲鐘板萬緣清手捧真香乞證盟修到梅花應不遠自憐消
瘳已今生

湖山第一樓

無端情思上眉峯手欲題詩意反慵恰似要圖西子貌不知何處著形容

十年幽窈落西湖到此如看古畫圖手凭闌干無一語怕人相見問姑蘇

武林往返匝月才得數詩所歷名勝都不暇作抵家則

身墮煙熏掌籍中回首勝游渺如臆境矣書此解嘲

興發西湖遊詩意蓄已久登途便揮豪一日了數首及至名勝區下筆不敢苟所得題愈佳詩愈難出手初猶畧構思新意或衝口有句卻無篇得奇又鮮偶不如竟闕筆藉以自藏醜歸家見同人遊橐競索取一笑謝無之茲游實辜負小女時在旁搖手代分割佛法空言詮一字亦無有綺語尤所戒如葉埽以帚

此行爲參佛戒律敢不守湖山自清妙目領心已受湖樓兩首
詩十已得八九何必多文辭反自落窠臼

錢尙書故宅弔柳夫人

衙齋燕寢晝凝香舊是尙書綠野堂降表稱臣推白首梵經學
佛媚紅妝南朝孔範才何富西蜀譙周命太長拂水巖前秋水
閣東風誰與奠椒漿

深鎖瑤窗冷玉鈎滄桑無限莫雲愁元經寂寞終投閣紅粉從
容竟墜樓半野有堂營謝傅兩朝無地置楊彪祇應百級瓊梯
頂絕代蛾眉占上頭

題陳雲伯大令

文述

碧城僊館詩鈔

十年才筆九州橫五色江花楮葉明賦出寶刀無敵手歌成團
扇有深情青山徧賞元暉句紅裏爭知小宋名窈入碧城仙界

穩果然風格玉溪生

珊瑚鞭子鷓鴣裘藻思翩翩入洛遊左右常抽何憲簞神仙每
共李膺舟玉天自種三生慧人海難消萬古愁手熨紅箋書綵
筆年年送客鳳池頭

三度看花不肯開芙蓉雙劍拭紅埃烹鮮卻借雕龍手飛鳥誰
憐倚馬才宮體百篇懷古作商聲一片帶秋回蛾眉幾箇真知
已曾費金臺序玉臺

吳門香牖住年年四百飛橋六柱船七寶月輪仙子魄一簾花
氣美人禪詩才判牘春生坐官燭分題夜廢眠消受湘君下塵
世雲藍親爲掌書箋

碧城仙牖圖

白玉雕闌碧玉甍似分明又不分明果然靈境非人境畢竟他

生勝此生淺水自尋前度影落花偏認步虛聲微雲幾縷春痕
在刻向瑤天月一泓

滄海雲帆圖爲雲伯大令賦

挂席拾明月飄然若木鄉樓船下楊僕橋柱問秦皇蜃雨連秋
暗鯨波浴日涼天風海濤裏一曲水仙王

海外奇文字蒼茫一筆書仙才蘇玉局賦手木元虛龍女遺珠
佩鮫人織翠裾鷗波雙笑日黃玉供鈔胥

雲伯遊海詩皆付
姬人管筠書之

雲藍索句圖

水晶宮事近如何清淺鷗波卽絳河螺子墨丸肩子硯紅兒詞
句雪兒歌新聲譜就調羸管小字書成繡越羅雜體江淹三十
首綠窗親索教鸚哥

菜花

如此嬌黃卻耐曦豔陽天氣夕陽遲劉郎聊慰重來眼張掾會
傳一句詩看菊醉歸才幾日種桃人去已多時流光莫惜金難
買刻意傷春恐近癡

佩珊小寓吳門寄示近著次韻代簡

采芝吳苑暫勾留鏡檻書牀足小休釣水月鉤偏釣恨埋春香
冢不埋愁種蕉陰碧關心雨秀麥寒深透骨秋記得故鄉風物
否何如來挽鹿車遊

棟子風疏逼晚涼懷人心事怕斜陽一條帶水如千里半幅襟
書只兩行安得彩雲移步輦空餘明月滿雕梁仙蹤只在金闈
路謫裏尋君便渺茫

陳雲伯大令重修河東君墓紀事

耦耕相約殉南都其柰霜髯戀雪膚舊事怕題長樂老故鄉羞

說莫愁湖

君藉金陵

花甘委地如金谷蓮竟生天效玉奴拂水巖西

芳艸綠可憐薇蕨愧薜蘿

我聞戒律悟真如引決從容禮佛餘終許柳枝隨白傅誰云燕子負尚書畫樓寂寂空芸蠹渴土匆匆葬玉魚畢竟人間芳烈好棠梨一樹護邱墟

采采幽蘭仄徑香題詩人莫比真娘山塘合改河名愛宰木應

添樹姓楊

君本名楊凌

競護青陵一坏土誰憐紅豆舊邨莊當時若

嫁雲閒壻儻許貞魂配國殤

表章多謝長官勤重製曹娥碣墓文已惜傳觀無錦鞮尚疑化腐有湘裙閣名祇可尋秋水子姓猶知說絳雲從此三橋寒食路踏青先上柳娘墳

附錄和韻

屈秉筠

宛仙

絳雲仙姥返瑤都
蘭逕深埋玉雪膚
青冢便營江令宅
碧波如對女墳湖
生能衛主同藍姐
死不忘劉是寵奴
料得貞魂爲柳宿
不隨飛絮落平蕪

當年琴語悅相如
巾帶風流晉謁餘
蜀府文章充記室
王家政事有尙書
耦耕車挽銜花鹿
讚佛香消蠹字魚
小劫華嚴真州州
可憐華屋改幽墟

艸長荃薜土盡香
詞人爭弔柳枝娘
更無鸚鵡啣紅豆
但有烏雅噪白楊
故國已迷桃葉渡
殘山猶說午橋莊
孤墳相對

巖西路恰有門生
是國殤

瞿晉守墓在拂水巖西

絲窗勸死語殷勤
抵得文山生祭文
慷慨殉君無白髮
從容報主有青裙
墜樓事競誇梁媛
投閣人猶惜子雲
弔罷西冷憶東澗
秋槐何處認荒墳

又

謝翠霞 凌波

楊柳當年態麗都 膚如郎髮髮如膚 遠山眉入相如傳望海

魂依向父湖暗用齊女事 玉墮井中酬故主 珠飛樓角報齊奴 貞

心台化紅心艸 二月東風繡綠蕪

竺西瓶拂證如如 耦隱東山浩劫餘 宛若真堪為小婦 彥回

仍未作中書春莊 紅豆連枝樹秋水 霜鱗比目魚三尺 香泥

埋玉在胎仙樓閣已邱墟

風起花飛隔岸香 一抔遙對十三娘河陽山有唐李十三娘墓 空勞燕子

悲青冢可有梅魂語 綠楊君寒柳詞云待約箇梅魂 松柏向

遮蘇小路芙蓉休問晉公莊 券臺寂寞誰澆酒 桂醕相攜酌

桂殤君有釀花酒酌桂郎詩桂郎君家孫早殤

曹碑重樹護殷勤 晉月呈花絕妙文 此日苔封圓石鏡 當年

柳舞鬱金裙飛觴爲薦西巖乳

墓後有甘泉傍日藤蕪

剪紙同招北渚

雲誰似風流陳伯玉政餘親掃女兒墳

宛山白甘泉小影

畫眉眉林繪曼殊教人偷識洛濱妹嬋媛自有生花筆別寫真
靈位業圖

不妨妙手繪空空各種生香奪化工恰似清虛明月樣姮娥神
自在當中

珠玑參差翠佩寒海天兜率事漫漫人間粉本流傳遍只當宜
和畫譜看

哭屈宛仙

人比黃花瘳可憐秋風一夕竟成仙詩中字字爭千古病裏匆
匆過十年定認前身奔向月卻愁慧業礙生天與君畱得如蘭

約願結深情再世緣

與君訂爲姊妹
嘗合寫如蘭圖

寒夜喜佩珊至

乾鵲爭鳴雪後枝
仙雲一朵降茅茨
定緣夙世盟心在
已恨今生識面遲
高論盡除閨閣氣
名家不作女郎詩
雙鬟煮茗供清話
忘卻更長盍睡時

附錄和作

歸懋儀佩珊

亭亭水國出羣枝
雲護溪山雀守茨
此去祇愁良會少
重來何惜後緣遲
談深繡閣欣同寤
拜倒騷壇敢論詩
他日鴻泥忘不得
夕陽樓下挂帆時

送別佩珊和夫子韻

五兩風輕且莫開
手攀仙袂問重來
盟香尙煥金鑪注
竝影難留玉鏡臺
情重珠拋臨別淚
家貧茶當餞行杯
越羅帕上蒙題

旬一日還看十二回

哭子侃弟

余生雁行五三女二男子一弟先已殤一妹亦早死親前惟汝
存形影相依倚親年已七旬衰病半牀第寢非汝不安食非汝
不旨如何忍舍親遽入黃泉裏憶我初嫁時汝年纔總角日誦
二千言英氣已卓犖姊壻相愛深奇文共研擢出試必連車歸
鐙亦同學二十補諸生三十察孝廉聲譽滿京師志行益守謙
淨名置秋籜銳學爭寒蟾力苦得寢瘵經史課益嚴最精鄒氏
學兼工大小篆古文亦閒爲義悉辭輿衍餘力作詩人論史逞
雄辯樂府尤清蒼姜張頗兼善閒日必過我每來晨及昏得句
互相質古義窮討論雜花庭下開時復倒清尊奚奴屢催促歸
踏霜月痕年來疾益深過從不復數予每歸視親汝以身後託

一笑亂汝言恐被親所覺早知眼前事當日悔不諾奠汝酒一
卮告汝靈其知親年雖七旬衰病吾扶持汝婦亦賢淑甘旨能
勿虧汝撫姪爲嗣姊壻爲擇師汝有門弟子鏗汝古文辭汝校
叔重書亦已剗施舅氏張照曠先生爲之付梓汝魂游九天或騎尾與箕
汝魂入九地應在修文司汝死可勿哀但保親壽期惟予雁行
斷一慟如何支

長真閣集卷七

詩七

虞山席佩蘭道華氏學

詩中三友歌

叔姒李姪婦謝俱學詩于予思致日勝頗有酬和之

樂為作是歌

冰肌玉骨謝翠霞沈思靜掩文窗紗十日一詩方吐芽風前咳
唾成仙葩聰明絕世李餐花嚼梅吹雪在齒牙抽書笑潑懷中
茶徐淑往往羸秦嘉性耽佳句席道華一詩千改墨點鴉一字
未安心如麻倚柱夜看秋河斜三人居各水一涯得句老婢相
傳誇聲如寒蟬字春蛇公然吳越燕三家

餐花籍隸宛平翠霞
籍隸嘉善子世居洞

庭山則
吳人也

寄佩珊

吹氣如蘭是麗娟小樓三宿住神仙思君只看樓頭月遠在天
涯近眼前

吳松崖秀才取願爲一滴楊枝水灑作人間並蒂蓮詩
意作圖乞題

竝頭修作玉蓮莖借取楊枝證此盟飛絮化萍圓箇箇如何人
不想來生

玉池誰與護瓊芽珍重西天佛露華莫誤化爲珠淚點卻教開
出斷腸花

珠龕佛火自燒香修到幽蘭葉葉長消盡胸前紅豆子只憑羅
壁畫瀟湘

雜題王畊煙畫冊

方塔晨鐘

吾家樓子面城東枕上鐘聲塔上風每揭珠簾看曉色不知身在畫圖中

劍門奇石

劍閣奇峯天下聞何年靈秀此閒分遊人貪看苔花色倒坐籃輿下白雲

書臺積雪

瑤臺珠樹列仙家只在城西路不賒一片空明詩世界那知是雪是梅花

碧霞元君天仙照鑿印爲蔣伯生大令

因培賦

一方奇玉桃花色七十二君奪不得宛轉雙螭爲護持天仙長爪曾磨拭霞帔星冠映黼帷電輜環衛月軒隨天齊自占瑤妃位日觀寧容玉女窺灌壇聖德雖殊衆靈風豈入飛熊寢西海

郎君事渺茫東方巨鎮神嚴重玉策金緘受自天龍文鳳篆手
親鈴泉淘香井胭脂潔雲護神房鎖鑰嚴亢父知生梁父死紅
沫稜稜蓋仙旨捧出雲封五色光稷邱君與崔文子琅函題罷
洞天春寶露重研紫粉新授簡西池王母使傳書南嶽魏夫人
漢家寡婦終投玉劉孃子印誰收錄惟此天仙一片瓊未容凡
手纖塵觸人閒偷印赤靈符薰以芝蘭襲繡襦還防深夜六丁
下來攫真形五嶽圖

附錄同作

李秀餐花

蔣侯生是神仙命風骨稜稜太山令歸裝并無鬱林石印得
天仙一方印捧來五色生雲霞傳觀欲徧好事家未須真形
圖五嶽只此四字驅百邪嵩山玉壘天雨得常山壁珪拔樹
出此印不傳何自來或曰秦章或宋筆不如前說一舉空金

篋玉策歸天公天孫上承茅土封采玉于日割白虹石斧細
琢煩豐隆模雲作篆蟠雌龍日精炯炯貫當中顏色尙作扶
桑紅庚申之歲乾隆五年火不敢秦碑朱龕一時失神呵鬼護玉
一方化作火中鵲飛出歷劫百億鈐萬千稜角微缺神彩全
沈沈縣庫閔魚鑰夜半靈光猶徹天

謝翠霞 麗仙

勅賜蓬元帝子居雲窗霧閣闕清虛鈐來丹篆桃花色應寄
西瀛一紙書

雲雷古篆赤虹蟠敢作尋常印譜看封取蘭金泥一合竹玉
山鬼膽俱寒

秦碑久付祝融收獨許黃神玉筍留鳳尾雀頭齊壓倒不須
更數祝溫柔

太令前身蔣子通曾除錄事給三宮官囊擊取神仙字絕勝
鷺城兩襲風

伯生先生佇秋圖

涼秋未到綠梧枝天末微風起一絲偏是詩人最先覺碧雲庭
院立多時

一葉離騷酒一杯小山幽絕可徘徊勸君莫上高臺去已有秋
聲繞屋來

蔣伯生大令取真誥安如降事五香馥芬如燒香嬰氣
語字其姬人作香嬰室圖

非非靈想接天河果有瓊臺聳鬱羅傳得內真嬰姹訣蹇修先
合禮清娥

攜手雙臺入寢奇齊牢香棗慰朝飢不煩更覓氤氳使自有靈

芬透雪肌

一氣雙煙覆紫霞
神仙遊戲上清家
觀香小妹嬌癡甚
索采西天碧柰花

九華仙子七香輪
香母燒煙了夙因
顛倒瓊籤諸小字
被人呼作蔣夫人

胡智珠夫人

相端

抱月樓彙題詞

十笏螺丸百番箋
瓊樓寫韻著詩仙
胸前自有靈珠在
夜夜關窗抱月眠

柳絮因風起謝庭
撒鹽空際太摹形
始知絕妙傳神句
不在辭華在性靈

妙手生花奪四時
自臨小影自題詩
仲姬畫桌文姬詠
只是聰明筆一枝

廿八明珠箇箇圓底須雲錦織長篇胡家樂府新翻出抄殺成
都十樣箋

倉蓮莊刺史 斯升蓮因圖

蓮因刺史蓮爲性不染塵氛冰雪淨剖竹爭迎郭細侯種花曾
識潘懷令使君每憶故園遙梁苑城西舊板橋歸寢時時吟白
句一渠春水柳千條江南亦有紅蓮渚風景何如練秋浦生就
胎中藕性靈吟魂只與荷花語衙齋燕寢晝凝香忽睹莊嚴選
佛場朵朵青蓮生古鉢亭亭翠蓋見慈航一峯究兀芙蓉狀四
壁淋漓山水障上有瀾翻拾得詩前因後果辭元暢醒後蓮香
鼻觀過蓮因兩字記禪那化身或是阿羅漢仙骨還應優鉢羅
使君學聖不學佛寢裏機鋒鬪鉞拂非垂法雨散千花要展甘
霖蘇百物我聞百卉蓮爲貞外直中通水一泓體潔久推君子


德心澄合比長官清使君不喜浮屠行使君自具慈悲性願爲
一葉一如來採取沈淪衆生命畫裏朱華冒綠池使君心迹蘊
人知采蓮競唱南湖曲當作甘棠惠愛辭

屈湘雲夫人遺照

九子鸞釵折半分生綃刻意畫湘君秋風幾點黃門淚灑作君
山竹上雲

傷心怕理鏤金箱閣住微之淚兩行碧落妙鬟雲一朵擡頭如
見嫁衣裳

紅蓮一葉蕩銀灣手弄明星作佩環閒殺一枝京兆筆替他圖
裏畫春山



長真閣詩餘

虞山席佩蘭道華學

聲聲慢

題風木圖

蕭蕭瑟瑟慘慘悽悽嗚嗚哽哽咽咽一片秋陰搖弄晚天如墨
三絲兩絲細雨更助他白楊風急雁過也遍寒林盡是斷腸聲
息 有客天涯孤立回首望高堂更無人一寒食梨花麥飯幾
曾親設空含兩行血淚灑枯枝點點滴滴待反哺學一箇烏鳥
不得

霜天曉角

賦素心蘭

獨秀瑤林雪侵香爭禁雪尙風吹得化吹不轉是春心 雲陰
莫尋尋時雲更深人自愛花心素花豈爲要知音

蘇幕遮

送春寄子滿

綠陰深深院閉怕倚闌干春在斜陽裏幾片飛花纔到地多事
東風又促花飛起 篆絲長簾影細一逕無人遮斷春歸計人
縱留春春去矣點點楊花還替花垂淚

點點楊花二句一作明日池塘惟有東流水

憶真妃

題墨梅

墨痕淡到如詩瘳橫枝絕似孤山風雪立多時 清如許寒無

語少人知惟有隔溪明月最相思

踏莎行

桐陰雙美圖

石抱池清欄紆逕碧蒼苔一片秋無迹雙鬟何處覓詩情秋聲
已在梧桐葉 小語駢肩幽吟比舌不知心可同如結兩心惟
有月明知何曾肯對西風說

減蘭

詠翠雲草

幽情一簇脫盡窗前顏色孰是夕陽天裊裊秋羅欲化煙 緩

尋休蹴不比春痕隨意綠就是天邊如此嬌霞亦可憐

卜筭子

附錄同作

謝翠霞

幽絕可憐生只避驕陽面染就絲絲學晚霞不怕風吹斷
牽引太纏綿繡得閑愁滿莫使天孫織作裳織恐羅紋亂

天仙子

宛仙屬題墨水仙

一片瀟湘閒自碧飛過寒香春欲溼仙人元自不知春波愁絕
雲愁絕彈到哀絃聲更徹滄海迢迢歸未得卻向人閒淒獨
立夜深不語奈情何心無迹魂無迹月落天空何處覓

搗練子

憶棗

山杳杳雪深深不露枝頭一點心踏遍洞天春似寢去年今日
到如今

齊天樂

題潘榕皋農部歸帆圖

片帆挂起秋風急載得一船秋思兩岸青山數株老樹不似輕
紅塵世歸心何駛把兩笠煙簑從容料理笑指尊鱸樽前尙有
故鄉味 朝衫者回換卻問沙鷗渚鷺盟成還未艣帶雲深篷
穿月淡清福能修如此中流不繫任花滿長安香難薰醉莫又
東山重催安石起

被花惱

題宛仙落梅便面

東風作意釀輕寒簾外謝池春曉香雪枝頭賸多少一分是病
三分是恨瘳得詩難肖情脈脈思冥冥自將疏影憐清沼 長
記乍相逢生怕朝雲去時早參橫月落幾曲闌干處處思量到
問青溪流夢去誰邊爭畱得閒愁共波繞撒不下一幅羅浮春
恨橐

壺中天

歸佩珊雨窗填詞圖

水雲如墨弄秋陰釀出一天詩意恰好箇人新病起愁又挾秋
而至艸褪紅心苔酣綠髮繡徧淒涼地簾兒風揭窗兒卻被風
閉一任小女題餠雙鬟送酒有甚閒情致只看雨零蕉葉上
悟出美人前世癡情花魂嬌憐蝶病減盡眉邊翠擲而起干
卿畢竟何事。

虞美人

周服卿蓮渚文禽圖

芳塘長遍相思艸水亦縈洄抱花花葉葉總相依護在文禽一
對不分飛剖開蓮子拘殘藕離別從來有人天歡喜此圖中
那識江湖蕭瑟有秋風

洞仙歌

陳雲伯大令秋雪漁莊圖

西溪西去蕩溪光如雪道是棗花未堪折有不成邨落三兩漁
家剛占卻一片冷雲秋窟掉頭吾去矣料理煙簑載取樵青

好浮宅生怕白鷗知屑屑秋聲偏搖破水天空碧問同是漁郎
權舟迴比晉代桃花阿誰幽絕

琵琶仙

席芍階姬人黃花比瘳遺照

人淡如秋抱清影瘳與黃花爲伴剗翠同住寒山冰紋柰絃斷
生撒下紅綃玉舞數錦瑟年華剛滿寄恨東籬珊珊瑤佩涼月
分半 還記取稱藥添香爲夫婿沈疴禮星漢消卻一簽穠翠
付霜邊愁管縱覓得前番懶隨定難醫蝶寤春短想見鸚鵡無
聲夜蟲淒怨

菩薩蠻

屈宛仙葉茗芳合寫春蘭秋菊圖

羣芳各占春秋妙芭蕉雪裏人爭笑畫手是几才非時不竝開
仙心無隔礙合寫如相愛好在不同時同時轉不奇

采桑子

雨窗懷餐花

經旬小別難相見
細雨如煙昏晝如年
不是懷人也只眠
料
應一樣拋書倦
眉重鬟偏致冷情
妍瘳比秋花更可憐

菩薩蠻

題謝雪卿繡餘遺艸

綠窗解道因風句
果然命薄如風絮
詩識忒匆匆
還思得再逢
橐中
他生須帶福脩到
梅花足只似雪聰明
休如雪易傾

同里後學陳佩嫻
芭芬校字

景藥珠麗雲侍閱

長真閣詩餘